



JAORVERSJLAAG 2019

1 ALGEMEIN INFORMATIE EUVER DE VEREINIGING VELDEKE LIMBURG

1.1 Algemein ledevergadering

't Hoogste orgaan van de vereniging is de Algemein LedeVergadering (ALV), die besjteit oet twee lede van edere kring en de lede van 't Provinciaal Besjtuur van Veldeke Limburg. De Algemein LedeVergadering haet sjtatutair de volgende take:

- de besjtuurslede en de lede vanne kascontrolecommissie benumme,
- 't beleid van de vereniging bepaole;
- de begreuting vassjtèlle;
- de heugte vanne cóntributie bepaole;
- de jaorsjtökke vassjtèlle;
- 't hoeshajelik reglement vassjtèlle.

De Algemein Vergadering kwoom in 2019 twee keer bieein: op dinsdig 14 mei en op dónderdig 14 november. In de veurjaorsvergadering zin de jaorsjtökke euver 2018 vasgesjtèld. De opkoms bie de ALV is prima te numme, bienao alle kringe wore vertegewoordigd. Inne naojaorsvergadering is de begroting 2020 en zin de notule van de ALV van 14 mei 2019 vasgesjtèld. Ouch hiej weer ein oetsjaekende opkoms en plezierige inbring vanne kringe, die allemaol ter informatie 'n euverzich van häör recente en geplande activiteite haje doorgesjtúurd.

1.2 Provinciaal Besjtuur

Op 31 december 2019 waas 't PB es volg samegesjtèld:

- mr. Christine van Basten-Boddin (veurzitter)
- dr. Lei Heijenrath (vice-veurzitter)
- Ron de Louw (sikkertaris)
- Pieter Ebus (penningmeister)
- Bèr Brounts (communicatie en p.r.)
- Henk Buskes (kringkontakte, euregionale kontakte en declamatiefinale)
- Kiki Huijnen (educatie)
- Peter Klein (redactie Jaorbook en kontakte TaLeP)
- Mark Pluymaekers (educatie)
- Riky Simons-Julicher (volkscultuur en declamatiefinale)

- Har Sniekers (website en nuujtsbreef) toet mei 2019

-t PB vergaderde in 2019 ach keer, aafwisselend in 't Hoes veur de Kunste en in 't gemeentehoes van Baek. Dees vergaderinge zin op 'n paar nao genotuleerd door Riky Simons-Julicher, de latere door Ria Corstjens.

-De documentatie en 't wèrkarchief waert door Ria Corstjens gearchiveerd.

-De website Veldeke Limburg waert biegehaje door Bèr Brounts mit assistentie van Har Sniekers. 't Websitebezoek in 2019 is gesjtege van 18.000 nao 30.000 keer, 't aantal volgers op Facebook van 693 nao 790 en 't aantal volgers op Twitter is 820.

-Peter Klein en Ton van de Wijngaard deje in 't TaLeP-platform mit aan de veurbereiding van festival 'Sjiek' in jan. 2019. Dao is gèn vervolg op gekómme.

-In 2019 zin de veurzitter en sikkertaris bie de kringbesjture van Weert en Um Mamelis op bezoek gewaes in 't kader van 'n kènnismakingsrundje en óm meugelike knelpuntje te besjpraeke. Dit is door alle partije es erg positief ervare. Versjlage daovan sjtaon oppe website www.veldeke.net.

-Veurzitter en sikkertaris haje ouch de kontakte mit de provincie werm. Op 23 mei woor d'r 'n euverlègk mit gedeputeerde Koopmans.

-Mit es wèrktitel '10% meer Limburgs ezzebleef' zin d'r in januari, mei en juni 2019 mer leefs drie zgn. heisessies gehaje in de ECI in Remunj. 't Provinciaal Besjtuur en vertegewoordigers van bienao alle kringe hóbbe ónger leiding van Martijn Kagenaar naogedach euver imago, kringactiviteite die d'r toe doen, educatie, te óntwikkele nuuj produkte, communicatie binne ós vereining ed. Dao-oet is 'n visiedocument ónstsjtange det de basis geit vorme veur 't toekomstig beleid van Veldeke: 'n Laeve lank Limburgs.

-Besjtuursleje wore verder bie heel get aktiviteite aanwezig zo wie de Nuujjaorsreceptie van de provincie, jubilea van bevrundje vereininge of bookprizzentasies. Mer ouch bie diverse kringactiviteite.

Bie de Raod veur 't Limburgs is Lei Heijenrath de vaste aafgevaardigde.

-Daonaeve zin kóntakte mit 't Limburgs Geschied- en Oudheidkundig Genootsjap, 't Institut für Landeskunde und Regionalgeschichte, de Jo Hansensjtichting (dees lèste is in 2019 opgehaje te besjtaon).

-Mit de Vereniging voor Limburgse Dialect-en Naamkunde (VLDN) waerde ein congres gehaje op 30 november in Hamont-Achel mit es thema 'Taal, namen en geschiedenis in het land van Grevenbroek en Pelt'.

-Sjtreettaalfunctionaris Ton van de Wijngaard woonde de meeste PB-vergaderinge en de ALV-vergadering in november bie.

-t Financieel archief sjteit bie Pieter Ebus, 't sikkertarieel archief van veur 2017 is in het gemeentehoes van Baek, de beukveurraad is bie Maurice Ambaum óngergebracht. 't Wèrkarchief is bie Ria Corstjens gebleve mit get beuk die inne bookshop van 't Hoes waere aangeboje. In 't gemeintearchief van Remunj sjteit ós aad archief.

1.3 Lede van Veldeke Limburg

Op 1-1-2019 haaj Veldeke Limburg 2444 lede, en op 1-1-2020 is det: 2305. De achteroetgank haet zich veural veurgedaon in de grótste kring Mesjtreech, te wiete aan 't neet meer doorgaon van häör vastelaovescabberèt.

De meeste lede zin georganiseerd in teen kringe, Ech, Heële, Mestreech, Remunj, Um Mamelis, Valkeberg, Venlo, Venroj, Wieërt en Zitterd, Mer d'r zeen ouch teentalle 'losse' lede, toet wied in 't boetelandj.

De lede van Belsj-Limburg zin in dit euverzich neet opgenomme. Zie vorme 'n eige organisatie mit vier kringe: Genk, Hasselt, As, Maasland en Dommelland.

2. ACTIVITEITE IN LIMBURG

2.1 Jaorbook 2018, nuutsbreve en rubrieke

-In 2019 waerde 't 13^{de} jaorbook geprizzenteerd op goonsdig 26 juni in de ECI te Remunj. 't Eerste exemplaar woor veur Els Diederer oet Valkeberg.

-Veldeke-Limburg publiceerde in 2019 twee pepiere tweetalige Nuutsbreve: wintjer 2018/2019 en zomer 2019. Wiejer vier digitale in jannewarie, april, juli, september en oktober.

-Digitaal sjikde Wim Kuipers en Har Sniekers mit häöre wèrgroep *Veldgewas* (veldgewas@home.nl) aan leefhöbbers waekeliks 'n aantal ingesjtuurde gedichte en taalbesjouwinge toe.

-Lidoom is 'ne waekelikse rubriek oppe Veldeke-website wo-in Wim Kuipers 't eigene van de Limburgse taal op zien karakteristieke maneer besjpruk.

-Heel blie moge veur zin mit Toon Roumen (24) oet Zitterd, dae sinds april 2019 maondjeliks 'ne column op ós website verzorg: Column van Toon.

2.2 Platbook

In opdrach van 't Hoes veur de Kunste Limburg is in samewèrking mèt de sjtichting LiLiLi en Veldeke Limburg gewèrk aan de oetgave van twee Platbeuk. Op 12 juni waerde Platbook 21 in café de Tramhalte in Remunj geprizzenteerd. 't Óngerwerp van dit 21e deil inne reeks bloomlaezinge in 't Limburgs waas *Gans greun*. Ónger redactie van Ger Koopmans en Geert Gabriëls zin 37 literair wèrke van aeezoväöl auteurs gepubliceerd.

En op 16 november zoog Platbook 22 mit es thema *Vrieheid* 't leech in 't HuB te Kèrkraoj. Redacteur woor Petra Dassen. Ruim 80 auteurs veulde zich gerope om in te sture mit euver de 100 biedragen, 42 auteurs met 44 stukke zijn opgenaome in de bundel. Platbook, 'n initiatief van Wim Kuipers, kèn neet meer waere weggedach oet 't Limburgs literair landsjap.

2.3 Kemissie Volkskultuur

Dees kemissie tèlt naodet Netty Engels-Geurts in juli is gesjtorve nag mer twee lede: Els Lahey-Diederer, en Riky Simons-Julicher.

In plaats van de eerdere lesbreve haet de kemissie 'n veurlaesverhölkesprojek opesjart, dao bliek meer behoefte aan.

't Mót 'n beukske waere mit neet al te lange verhölkes van 25 versjillende sjrievers oet gans Limburg, die allemaol vertaald waere in 't dialek van de kringe die mitdoon. Zès kringe gaove aan hiej gaer aan mit te wille doen.

Kemissielede leverde wiejer biedrages aan 't Jaorbook van Veldeke, hele laezinge euver diverse volks- en taalkundige óngerwerpe en sjreve in diverse lokaal blaedjes.

2.4 Declamatiewedsjtried veur de jeug

De 16^{de} finale van de Limburgse declamatiewedsjtried veur de jeug waerde op zaoterdig 25 mei 2019 gehaje in DOK 6 in Helje-Panninge. D'r wore 30 finaliste, geselecteerd oet de veurrunj bie de Veldekekringe van Venlo/Tegele, Wieërt, Remunj, Ech/ Zöstere, en de bibliotheek Kichrao. De jury, Hortense Brounts

(veurzitter), Katja Henz, Herm Pollux, Anke Peters en Ton van de Wijngaard beslisde waem de beste veurdrach haaj.

Veur de winneers woor d'r 'n sjoon trofee en alle kinjer kreges 'n waterfles mit 't logo van Veldeke, en later nag ein dvd mit alle optraejes tiedes de finale. Wie gewoenlik 'n geweldig evenement, noe georganiseerd door Henk Buskes, Riky Simons en Piet Aben mit vööl administratieve hulp van Ria Corstjens. Hans Jacobs oet Venlo kalde 't geheel weer op zien veurtreffelike meneer aanein. Jelke Schijlen oet Venlo zóng tiedes 't juryberaad.

Winneers:

Groep 3/4:

1. Freek Swiatalski oet Zöstere mit 'Is mich det sjrikke'
2. Emmeline Verweij oet Tegele mit 'Wat ich later waere wil'
3. Yentl Moonen oet Nederweert mit 'As nemes kiêktj'

Groep 5/6

1. Mirte Pustjens oet Roostere mit 'Eine wendj'
2. Jip Haagen oet Kèrkraoj mit 'Went jinne kiekt'
3. Julia Silkens oet Remunj mit 'Rammele van de hónger'

Groep 7/8

1. Bente Selder oet Haerle mit 'D'r hobby'
2. Evena Kraanen oet Zöstere mit 'Nemes kalt plat taege mich'
3. Thijmen Höppner oet Nederweert mit 'Rommel'

2.5 Sjrieverskringe

D'r zeen op dit moment veer sjrieverskringe aktief: Midde-Limburg, Noord-Limburg, Wieërter Land en de Allgemeine Sjrieverskrink van Limburg. De lede van dees kringe kómme regelmaotig bie-ein, besjpraeke häör werke en sjriever euver bepaolde thema's.

Ze sjtaon ouch dök in Platbook.

2.6 Kringekontakdaag 2019

Dit jaor waas de kring Valkeberg aan de beurt. Op zaoterdig 31 augustus waerde de kring- en provinciaalbesjtuurders op versjillende lokaties in Aad-Valkeberg verras mit ein aafwisselend middigprogramma. Allereers 'n enthousiast verhaol van wèthajer Claudia Bisschops veur de 'sjatbewaarders van de zeel van Limburg'. Daonao 'n laezing in 't St. Janskèrkske en 'n bezeug aan de heemtuin van kesjteel Sjaloen, 'n óntvangs mit bezichtiging op kesjteel Genhoes en 'n diner/buffet in Sjin op Geul.

De Veldekevlag waerde aan de kring Remunj doorgedaeve, zie organisere in 2020 de Kringekontakdaag.

2.7 Sjtimuleringsfonds

Dit fonds is in 2017 veur 't eers ter besjikbaar gesjteld aan de kringe. Ze kenne dao-op 'n beroep doen óm nuuj aktiviteite te financiere toet € 750,-.

Daovan höbbe in 2019 gebroek gemaak:

Kring Mestreech beukske Pol Brounts	€ 500,00
Kring Ech Daag van de Modertaal	€ 375,00
Kring Ech dictee	€ 500,00
Jo Hansenpries sponsoring	€ 500,00
Kring Mestreech biedrage jubileum	€ 500,00

Sponsoring Vleisboek	€ 500,00
Krink Venlo fietstoch	€ 300,00
Krink Venlo monoloog Hay van Hoorn	€ 651,71
Krink Mestreech kerstwandeling	€ 750,00
Krink Zitterd laesplenske	aafgewezen
Totaal	€ 4576,01

2.8 Waat d'r wiejer nag woor

- Op 8 december 2018 is het fotoboek “De 250 Mooiste Plekken van Heerlen” geprizzenteerd. Inmiddels is d'r 'ne veerde drök versjene..
- 27 januari vónj Festival Sjiem plaats in de ECI Cultuurfabriek in Remunj. Óngerdeel van deze daag is de Sjiem Dialekliteratuurpijs 201., De winneer woor Wim Heijmans.
- Op 21 februari is de Daag van de Modertaal. Krink Ech prizzenteerde saoves 'n programma mit 3 monologe, gesjpeeld door Gerda Schatorjé en Rezie Vrancken. De monologen waerde afgewisseld mit 'n kwintet van blaazers van Harmonie St. Cecilia Echt.
- Veldeke krink Mestreech vierde zien 40-jaorig jubileum op 13 april mit 'n klinkende show in Theater aan 't Vriethof. 'n Programma mit Mestreechs cabaret, liedjes, verhaole, quiz enz. Ouch waerde dae aovindj 'n beukske geprizzenteerd mit naogelaote versjes van Pol Brounts mit es titel *Kiksjozerije*. Pol Brounts, dae 100 jaor geleje gebaore waerde, woor ein van de oprichters van Veldeke Mestreech.
- De driejaarlikse Jo Hansenpries veur Volkscultuur waerde op 19 juni door gouverneur Bovens oetgereik aan Netty Engels-Geurts vanwege zien verdeenste veur de volkscultuur op culinair gebied.
- Op 1 september vónj veur de viefde keer 't Kirchroa jeet plat-festival plaats.
- Nach van Limburgs Leed op 21 september in Venlo mit oetreiking van de Oeuvrepijs 2019. De Veldeke Oeuvrepijs waert sinds 2007 toegekènd door Veldeke Venlo en is in 2019 gewónne door de Venlose formatie Neutjesrang.
- Taalquiz 8 oktober. De finale van de Limburgse Taalquiz die De Limburger same mit Veldeke Limburg georganiseerd haaj, waerde gewónne door Karel Ruiten oet Remunj. Vääöl enthousiaste reaksies veur deze taalquiz.
- Op zondag 3 november woor ózze veurzitter Christine van Basten te gast in het L1 radioprogramma De Stemming. Ze naom deil aan 'n interview same mit Bep Mergelsberg, sikkertaris van Levende Talen in Limburg en mit Ton van de Wijngaard, sjtreektaalfunctionaris. Eerder dit jaor woor ze ouch al te heure in 't radioprogramma van Henk Hover Plat-eweg.
- 4 november TV: debat euver de toekoms van de Limburgse Taal. In het L1 programma Avondgasten waerde ein debat oetgezónje euver de toekoms van de Limburgse Taal. Deilnummers wore vanoet versjillende invalsheuk betrokke bie dit óngerwerp.
- Tiedes 't sjtreektaalsymposium op 6 november in de Maaspórt in Venlo

vónj de óngerteikening plaats vanne convenant womit 't Limburgs officieel erkènd waert es regionaal taal. Bie de óngerteikening van dae convenant tösse de regering en de provincie baaj Veldekeveurzitter Christine van Basten aan de minister van Binnenlandse Zaken Raymond Knops en aan gedeputeerde van de provincie Limburg Ger Koopmans 'n ingelies gedich 'Oos Taal' aan. Wim Kuipers sjreef 't sjpeciaal veur dees gelaegeheid. In aansjpraekende, herkènbare, poëtische beelde sjets de dichter de krach van ós Limburgse taal.

3. Vassjtèlling van 't Jaorversjlaag 2019 Veldeke Limburg

Dit jaorversjlaag waerde vasgesjtèld door de Algemein Vergadering op 19 november 2020.

Veurzitter:

Sikkertaris:

(Ria Corstjens en Riky Simons-Julicher)